

Protocol no. 78**Sezzüda da lündeschdi, 8 november 2010, 20.00 – 22.40**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)
Jon Curdin Felix (tractanda 694 e 695)

Protocol

Il protocol no. 76 dals 25 october 2010 e'l no 77 da la sezzüda dals 26 october 2010 vegnan approvats.

**694 942.314.01 Mantegnimaint dals stabels da finanzas
Inglüminaziun chasa da parcar Davo Stron**

Il manader tecnic infuormescha cha las glüms illa chasa da parcar nu funcziunan plü inandret e chi saja perquai impustüt illa part davovart adüna s-chür. Il Cussagl cumünal conceda ün credit da fr. 5'200.-- per installar sensors. Ultra da quai vain la manisaziun simplifichada.

**695 217 CHASA DA SCOULA
Plazzas da parcar i'l schler da protecziun**

Il manader tecnic preschainta üna varianta pussibla, discutada culla pulizia da fö, per pudair parcar 2 – 3 veiculs i'l schler da protecziun a Saranschasch. Perquai füssa da trapartir giò il local cun üna paraid cunter il fö. Il Cussagl cumünal manaja chi füss da ponderar schi nu's pudess eriger daplüssas plazzas per tillas fittar eventual inavant. Il manader tecnic piglia incunter la proposta e sclerischa las pussibilitats.

**696 021 FABRICA
Anton Jon Schmidt – Ingrondimaint officina – Vidos 269**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Las assas han da gnir, causa motifs d'estetica, montadas per ot.
3. Il Cumün inchascha seguainta taxa da trattamaint: fr. 100.--.

**697 021 FABRICA
Tina Maria Ritz – Plazzas da parcar – Üert parcella 242**

Il Cussagl cumünal decida da dar il permiss da fabrica manzunà aint il titul cun diversas obligaziuns (procedura d'annunzcha). Il Cumün inchascha üna taxa da trattamaint da fr. 50.--.

698 830

TURISSEM

Dumonda per ir cul töf da naiv – Hof Zuort – Charetsch Sura

Il possessur dal Hof Zuort dumonda il permiss per traffichar cun ün töf da naiv dal Hof Zuort süls Charetschs Sura per far üna via da schlitra. Tenor il parair da l'Uffizi da chatscha e pescha nu's poja, causa la sulvaschina (Wintereinstandsgebiet) conceder ün permiss fin al lö giavüschà. Tenor la discussiun cul Uffizi as pudessa conceder ün permiss fin pro'l stabel da Charetsch Sot. Il Cussagl cumünal decida seguaintamaing:

1. Il traget pel töf da naiv vain fixà dal Hof Zuort fin pro'l stabel da Charetsch Sot.
2. In Charetsch Sot nu pon gnir organisadas ingünas occurrenz (Fondue etc.).
3. La responsabilità in cas da lavinis, accidaints o collisiuns da schlitras es pro'l patrun dal Hof Zuort. Il Cumün nu surpiglia ingüna responsabilità.
4. L'uffizi da chatscha e pescha fa las controllas toccantas perquai chi pertocca il disturbi da la sulvaschina. Schi s'ha l'impreschiun cha quista sporta nu's verifichescha o dà disturbi po gnir aboli il permiss per traffichar süls Charetschs Sot (permiss stagiunal).
5. I po gnir traffichà be sül stizi fat tras il töf da naiv. Quai ha da gnir signalisà tras quel chi gestischa la via da schlitra.
6. Taxa da trattamaint: fr. 100.--

699 790

PLANISAZIUN DAL TERRITORI

Ledscha per la promoziun d'abitaziuns principalas e la direcziun da la fabrica da seguondas abitaziuns

Il schef da fabrica orientescha chi saja gnü müdà i'l art. 17, alinea 1, cha la ledscha aintra in vigur davo l'acceptaziun tras la cumünanza d'urna cun l'approvaziun da la regenza e na sco publichà tras la radunanza cumünala. Ultra da quai saja gnü integrà amo i'l art. 17, alinea 5, cha quista ledscha exista in lingua rumantscha e tudaischa. Decisiva saja la versiun rumantscha.

Il Cussagl cumünal sancziunescha la ledscha per tilla manar avant l'urna ed eir la missiva correspondentia.

701 830

TURISSEM

Museum pauril (Rüedlinger) – Dumonda da sustegn

Il Cussagl cumünal piglia incunter la spiegaziun dal schef turissem. Il Cussagl cumünal es da princip perinplet da sustegner, saja quai cun ün sustegn finanziel o cun agüd da persunal (guida). La chosa vain trattada aint illa cumischiun turistica e'l Cussagl cumünal spetta da quella vart üna proposta.

702 589

SERVEZZAN SOCIAL ULTERIUR

Agüd a la giuventüna in lur problems socials

Als 1. november 2010 ha gnü lö ad Ardez ün' infuormaziun a regard il tema manzunà aint il titul. Co as poja occupar ils giuvenils our dal temp da scoula? As voula s-chaffir ün lö per chi possan esser tanter dad els? Üna gruppa da lavur, organisada da la PEB, as occupa culla chosa.

L'actuar: